

გადაწყვეტილება

N გ-25-1/465
11/09/2025

465-გ-25-1-4-202509111746



ა(ა)იპ "საქართველოს საპატრიარქოს რადიო-ივერიასთვის" სათემო რადიომუწყებლობის ლიცენზიის გაცემის შესახებ

განმცხადებელი: ა(ა)იპ "საქართველოს საპატრიარქოს რადიო-ივერია";

კომისიის სხდომის თარიღი: 2025 წლის 11 სექტემბერი.

I. აღწერილობითი ნაწილი

საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ კომისიის 2025 წლის 7 აგვისტოს №გ-25-10/419 გადაწყვეტილებით სათემო რადიომუწყებლობის ლიცენზიის მოსაპოვებლად კომისიის 2025 წლის 22 მაისის №გ-25-10/227 გადაწყვეტილებით გამოცხადებულ კონკურსში გამარჯვებულად გამოცხადდა ა(ა)იპ "საქართველოს საპატრიარქოს რადიო-ივერია" (ს/კ 404511337). კომისიის ზემოაღნიშნული გადაწყვეტილების მე-2 პუნქტის შესაბამისად, ა(ა)იპ "საქართველოს საპატრიარქოს რადიო-ივერიას" განესაზღვრა გადაწყვეტილების ჩაბარებიდან ერთი თვის ვადაში სალიცენზიო გადასახდელის 20%-ის - 2,021.76 (ორი ათას ოცდაერთი ლარი და 76 თეთრი) ლარის საქართველოს ცენტრალურ სახელმწიფო ბიუჯეტში გადახდის ვალდებულება.

კომისია აღნიშნავს, რომ ა(ა)იპ "საქართველოს საპატრიარქოს რადიო-ივერიას" კომისიის 2025 წლის 7 აგვისტოს №გ-25-10/419 გადაწყვეტილება ჩაბარდა 2025 წლის 11 აგვისტოს. კომპანიის მიერ 2025 წლის 2 სექტემბერს საქართველოს ცენტრალურ სახელმწიფო ბიუჯეტში გადახდილი იქნა სალიცენზიო გადასახდელის (10,108.80 ლარი) 20% - 2,021.76 (ორი ათას ოცდაერთი ლარი და 76 თეთრი) ლარი და გადახდის დამადასტურებელი დოკუმენტი კომისიაში წარმოდგენილ იქნა 2025 წლის 5 სექტემბერს (კომისიაში რეგისტრაციის №მ-25-6/3741).

II. სარეზოლუციო ნაწილი

ყოველივე ზემოაღნიშნულის გათვალისწინებით, „მუწყებლობის შესახებ“ საქართველოს კანონის 36¹-ე მუხლის პირველი პუნქტის, 38-ე, 39-ე, 41-ე, 43-ე მუხლების და კომისიის 2025 წლის 7 აგვისტოს №გ-25-10/419 გადაწყვეტილების საფუძველზე, კომისიამ კენჭისყრის შედეგად, ერთხმად

გადაწყვიტა:

1. მიეცეს ა(ა)იპ "საქართველოს საპატრიარქოს რადიო-ივერიას" (ს/კ 404511337) მაუწყებლობის №B204 ლიცენზია შემდეგი სალიცენზიო პირობებით:

- ა) ლიცენზიის სახე: რადიომაუწყებლობა;
- ბ) ლიცენზიის სახეობა: სათემო მაუწყებლობა;
- გ) ლიცენზიის მოქმედების ვადა: 2035 წლის 11 სექტემბრის ჩათვლით;
- დ) მაუწყებლობის ენა: ქართული;
- ე) მაუწყებლობის ხანგრძლივობა დღე-ღამის განმავლობაში - 24 საათი;
- ვ) გავრცელების გეოგრაფიული ზონა: გადამცემი სადგურების ტექნიკური პარამეტრების შესაბამისი მომსახურების სახმელეთო ტერიტორია, რომელიც პირობითად შემოსაზღვრულია ამ ტერიტორიაზე განთავსებული სადგურის ან/და სადგურების მიერ შექმნილი სამაუწყებლო დონის სიგნალის ზღვრული მინიმალური მნიშვნელობის მქონე წერტილთა ერთობლიობის მომვლებით;
- ზ) მაუწყებლობის გავრცელების ტექნოლოგია და ტექნიკური პარამეტრები:

№	გადამცემის განთავსების ადგილი	სიხშირე (მჰც)	სარბო ზოლის სიგანე (კჰც)	მოდულაცია	პოლარიზაცია V/H	გასხივება	გადამცემის სიმძლავრე (ვტ)	ანტენის გამლიერების კოეფიციენტი (დბ)	გეოგრაფიული კოორდინატები	ანტენის დაკიდების სიმაღლე მიწის ზედაპირიდან (მ)
1	ფასანაური სატელევიზიო ანძა	105.3	300	FM	V	წრიული	100	2	42°20'38.78"N 44°41'46.07"E	18
2	ამბროლაური სატელევიზიო ანძა	100.7	300	FM	V	წრიული	100	2	42°30'49.70"N 43°9'52.28"E	20
3	სარფი სს სილქნეტის ანძა	99.5	300	FM	V	წრიული	50	2	41°31'23.6"N 41°32'56.8"E	15
4	ცივის სატელევიზიო ანძა	98.3	300	FM	V	ქ-თელავის მიმართულ ლეზით	100	2	41°52'17.01"N 45°24'34.26"E	15
5	მარტვილის ანძა	94.1	300	FM	V	წრიული	100	2	42°27'19.04"N 42°21'58.57"E	20

შენიშვნა 1: გადამცემი სადგურის განთავსება შესაძლებელია მითითებული კოორდინატის მიმართ 500 მ რადიუსის ფარგლებში, ზღვის დონიდან გადამცემი ანტენის დაკიდების სიმაღლის შენარჩუნებით (ცდომილება ±5მ).

შენიშვნა 2: სამაუწყებლო ქსელის ფორმირებისას გადამცემის სიმძლავრის და ანტენის ტექნიკური პარამეტრების მნიშვნელობების ცდომილება არ უნდა აღემატებოდეს 5%-ს.

თ) სალიცენზიო გადასახდელი: უზრუნველყოს ა(ა)იპ "საქართველოს საპატრიარქოს რადიო-ივერიამ" სალიცენზიო გადასახდელის დარჩენილი 70%-ის ანუ 7,076.16 (შვიდი ათას სამოცდათექვსმეტი და 16 თეთრი) ლარის საქართველოს ცენტრალურ სახელმწიფო ბიუჯეტში გადახდა შემდეგი რეკვიზიტებისა და გრაფიკის მიხედვით:

მიმღები - ხაზინის ერთიანი ანგარიში - 200122900

ბანკი - სახელმწიფო ხაზინა

მიმღების ბანკის კოდი - TRESGE22

სახაზინო კოდი - 300773062

590.00 ლარი – 2025 წლის 11 ოქტომბრამდე;

590.00 ლარი – 2025 წლის 11 ნოემბრამდე;

590.00 ლარი – 2025 წლის 11 დეკემბრამდე;

- 590.00 ლარი – 2026 წლის 11 იანვრამდე;
- 590.00 ლარი – 2026 წლის 11 თებერვლამდე;
- 590.00 ლარი – 2026 წლის 11 მარტამდე;
- 590.00 ლარი – 2026 წლის 11 აპრილამდე;
- 590.00 ლარი – 2026 წლის 11 მაისამდე;
- 590.00 ლარი – 2026 წლის 11 ივნისამდე;
- 590.00 ლარი – 2026 წლის 11 ივლისამდე;
- 590.00 ლარი – 2026 წლის 11 აგვისტომდე;
- 586.16 ლარი – 2026 წლის 11 სექტემბრამდე;

2. ა(ა)იპ ”საქართველოს საპატრიარქოს რადიო-ივერია” ვალდებულია:

- ა) ემსახურებოდეს თემის ინტერესებს და უზრუნველყოს მაუწყებლობის პროცესში მართლმადიდებლური თემის წარმომადგენელთა მონაწილეობა;
- ბ) უზრუნველყოს შესაბამის გეოგრაფიულ ზონაში მცხოვრები უმცირესობების მოსაზრებების გაშუქება;
- გ) დაიცვას მედიამომსახურების სფეროში მოქმედი საქართველოს კანონმდებლობა, მათ შორის, კომისიის დადგენილებები და გადაწყვეტილებები, მედიამომსახურების სფეროში მოქმედ საქართველოს კანონმდებლობაში ცვლილებების შეტანის შემთხვევაში უზრუნველყოს საქმიანობის მათთან შესაბამისობა;
- დ) დაიცვას ყველა ის პირობა, რომელიც მის მიერ კომისიაში ლიცენზიის მისაღებად წარდგენილ განცხადებასა და თანდართულ დოკუმენტაციაში იქნა ასახული, მათ შორის განახორციელოს მის მიერ წარდგენილი სამაუწყებლო კონცეფცია;
- ე) ლიცენზიით გათვალისწინებული პრაქტიკული საქმიანობა დაიწყოს ლიცენზიის გაცემიდან ერთი წლის ვადაში (საქმიანობის დაწყებად ითვლება ერთი წლის ვადაში ლიცენზიის ტექნიკურ პარამეტრებში მითითებულ ყველა პუნქტში შესაბამისი ტექნიკური პარამეტრებით მაუწყებლობა).
- ვ) კომისიას წარმოუდგინოს პრაქტიკული საქმიანობის დაწყების/შეწყვეტის თაობაზე ინფორმაცია პრაქტიკული საქმიანობის დაწყებიდან/შეწყვეტიდან 5 სამუშაო დღის ვადაში;

3. დაევალოს კომისიის აპარატის იურიდიული დეპარტამენტის ავტორიზაციისა და ლიცენზირების ჯგუფს (ნ. ლორთქიფანიძე):

- ა) სათანადო მონაცემების კომისიის უწყებრივ რეესტრში შეტანა;
- ბ) სალიცენზიო მოწმობის გაცემის უზრუნველყოფა;
- გ) ლიცენზიის გაცემის თაობაზე ინფორმაციის სსიპ „საქართველოს საკანონმდებლო მაცნეში“ და საქართველოს ფინანსთა სამინისტროში გაგზავნის უზრუნველყოფა;

4. დაევალოს კომისიის აპარატის ადმინისტრაციას (ბ. გასვიანი) აღნიშნული გადაწყვეტილების კომისიის ოფიციალურ ვებ-გვერდზე (www.comcom.ge) გამოქვეყნება და ა(ა)იპ ”საქართველოს საპატრიარქოს რადიო-ივერიასთვის” გაგზავნა;

5. გადაწყვეტილება ძალაში შევიდეს აღნიშნული გადაწყვეტილების ა(ა)იპ ”საქართველოს საპატრიარქოს რადიო-ივერიასთვის” ჩაბარების დღიდან;

6. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი №64) ა(ა)იპ ”საქართველოს საპატრიარქოს რადიო-ივერიასთვის” ჩაბარებიდან ერთი თვის ვადაში;

7. კონტროლი აღნიშნული გადაწყვეტილების პირველი პუნქტის ა), ბ), დ) და ე) ქვეპუნქტების შესრულებაზე დაევალოს კომისიის აპარატის მედიამომსახურებების რეგულირების დეპარტამენტს (კ.ქორიძე);


- 8. კონტროლი აღნიშნული გადაწყვეტილების პირველი პუნქტის ვ) და ზ) ქვეპუნქტების შესრულებაზე დაევალოს კომისიის აპარატის სპექტრისა და ტექნოლოგიის დეპარტამენტს (ა.ქარუმიძე);
- 9. კონტროლი აღნიშნული გადაწყვეტილების პირველი პუნქტის თ) ქვეპუნქტების შესრულებაზე დაევალოს კომისიის აპარატის ადმინისტრაციის საფინანსო-საბიუჯეტო ჯგუფს (ნ. დევდარიანი);
- 10. კონტროლი აღნიშნული გადაწყვეტილების მე-2 პუნქტის შესრულებაზე ერთობლივად დაევალოს კომისიის აპარატის მედიამომსახურებების რეგულირების დეპარტამენტს, სპექტრისა და ტექნოლოგიის დეპარტამენტს, იურიდიული დეპარტამენტის ავტორიზაციისა და ლიცენზირების ჯგუფს და ადმინისტრაციის საფინანსო-საბიუჯეტო ჯგუფს;
- 11. კონტროლი აღნიშნული გადაწყვეტილების შესრულებაზე (პირველი პუნქტის ა), ბ), დ), ე), ვ), ზ), თ) ქვეპუნქტების, მე-4, მე-7, მე-8 და მე-9 პუნქტების გარდა) დაევალოს კომისიის აპარატის იურიდიული დეპარტამენტის ავტორიზაციისა და ლიცენზირების ჯგუფს (მ. ქადეიშვილი).

კახი ბექაური



თავმჯდომარე

ვახტანგ აბაშიძე



წევრი

ეკატერინე იმედაძე



წევრი

ივანე მახარაძე



წევრი

